

觀藥王藥上二菩薩經

百七十三  
得九

48570



佛說觀藥王藥上二菩薩經九

宋西域三藏曇良耶舍譯

得

如是我聞一時佛在毗耶離國狝猴林中青蓮花池精舍與大比丘眾千二百五十人俱尊者摩訶迦葉尊者舍利弗尊者大目犍連尊者摩訶迦旃延如是等眾所知識

復有菩薩摩訶薩一萬人俱其名曰妙臂菩薩善音菩薩寂音菩薩寶德菩薩慧德菩薩文殊師利菩薩弥勒菩薩如是等上首者也復有十億菩薩摩訶薩從十方來賢首菩薩千首菩薩觀世音菩薩大勢至菩薩藥上菩薩藥上菩薩普賢菩薩賢護菩薩梵天



菩薩梵幢菩薩等復有毗耶離諸離車子五百人俱長者主月蓋長者子寶積等皆悉集會  
尔時世尊入普光三昧身諸毛孔放雜色光  
照獼猴林作七寶色光出林上化成七寶蓋  
十方世界諸希有事悉現蓋中尔時長者子  
寶積即從座起詣阿難所白言大德世尊今  
日入于三昧舉身放光必說妙法唯願大德  
宜知此時阿難答曰長者子佛入三昧吾不  
敢請說是語時佛眼放光照藥王藥上二菩  
薩頂住其頂上如金剛山十方一切無量諸  
佛映現此山是諸世尊亦放眼光普照一切  
諸菩薩頂在其頂上如瑠璃山十方世界諸

得首楞嚴三昧菩薩摩訶薩映現此光山此  
相現時獼猴池中生寶蓮華作白寶色其色  
鮮白不可爲譬有諸化佛坐蓮華上身相微  
妙亦入三昧各放眼光照藥王藥上二菩薩  
頂及照一切諸菩薩頂卽時世尊從三昧起  
熙怡微笑有五色光從佛口出照滿月面時佛  
面相倍更光顯勝於常儀百千万倍長者子寶  
積覩佛威相歎未曾有卽從座起整衣服偏袒  
右肩遶佛七匝長跪合掌瞻仰尊顏目不暫  
捨白佛言世尊如來今日放大光明照十方  
諸佛及諸菩薩皆已雲集於佛法海中欲少  
諮問唯願天尊爲我說之佛告寶積恣汝所

問尔時寶積白佛言世尊如來今者雙目放  
光如金剛山住藥王藥上二菩薩頂十方諸  
佛及諸菩薩影現光山此二菩薩威德光明  
猶如意珠倍更明顯勝餘菩薩百千万倍佛  
滅度後正法滅時若有衆生聞此二菩薩名  
者得幾所福若善男子善女人欲斷罪業障  
者當云何觀藥王藥上身相光明佛告寶積  
諦聽諦聽善思念之吾當爲汝分別解說說  
是語時五百長者子同時俱起爲佛作禮各  
以青蓮華供散佛上願樂欲聞時會大衆及  
諸菩薩異口同音讚歎寶積而唱是言善哉  
善哉寶積乃能爲於未來世中盲冥衆生問

於如來甘露妙藥灌頂之法說是語已咸皆  
默然佛語寶積未來衆生具五因緣得聞藥  
王藥上二菩薩名何謂爲五一者慈心不殺  
具佛禁戒威儀不缺二者孝養父母行卅十  
善三者身心安寂繫念不亂四者聞方等經  
心不驚疑不沒不退五者信佛不滅於第一  
義心如流水念念不絕佛告寶積若有衆生  
具此五緣生生之處常得聞此二菩薩名及  
聞十方諸菩薩名聞方等經心無疑慮以得  
聞此二菩薩名威神力故生生之處五百阿  
僧祇劫不墮惡道佛說是語時藥王菩薩承  
佛威神即說呪曰

阿目佉 一摩訶目佉 二瘞隸 三摩訶瘞隸 四

挖翅 五摩訶挖翅 六常求利 七摩訶常求利

八烏摩致 九摩訶烏摩致 十挖翅挖翅 十一

挖翅挖翅 十二兜帝兜帝 十三摩訶兜帝 十四阿偷

阿偷 十五摩訶阿偷 十六樓遮迦 十七摩訶樓遮迦

十八陀賒寐陀賒寐 十九摩訶陀賒寐 二十多兜多

兜 二十一摩訶多兜 二十二迦留尼迦 二十三陀奢

羅莎呵 二十四阿竹丘阿竹丘 二十五摩瞪祇 二十六

波登雌 二十七遮梯 二十八遮樓羅梯 二十九佛

馱遮犁 三十迦留尼迦 三十一莎呵

尔時藥王菩薩摩訶薩說是呪已白佛言世

尊如此神呪過去八十億佛之所宣說於今



現在釋迦牟尼佛及未來賢劫千佛亦說是  
呪佛滅度後若比丘比丘尼優婆塞優婆夷  
聞此呪者誦此呪者持此呪者淨諸業障報  
障煩惱障速得除滅於現在身修諸三昧念  
念之中見佛色身終不忘失阿耨多羅三藐  
三菩提心若夜叉若富單那若羅刹若鳩槃  
荼若吉遮若毗舍闍噉人精氣一切惡鬼能  
侵害者無有是處命欲終時十方諸佛皆悉  
來迎隨意往生他方淨國爾時世尊讚藥王  
菩薩言善哉善哉善男子快說此呪三世諸  
佛亦說此呪我於此呪深生隨喜  
爾時藥上菩薩亦於佛前而說呪曰

難那牟

一浮

浮音孚反

噉浮

二

留浮

丘留浮

丘

三

迦留尼迦

四

螺牟

螺牟

迦留尼迦

迦

五鞞梯鞞

鞞

梯六迦留尼迦

七阿毗梯

他

八阿便

他

阿便

他

九迦留尼迦

十

珊遮羅莎

呵

十一

藥上菩薩說是呪

已

白佛言

世尊

我今於如

來前說是降煩惱海

來前說是降煩惱海灌頂陀羅尼此陀羅尼呪

三出諸佛之所宣說若有比丘比丘尼優婆

塞優婆夷聞此呪者誦此呪者持此呪者得

十功德利何等爲十一者此呪威神力故殺

生之罪疾得清淨二者毀禁惡名皆悉除滅

三者人若非人不得其便四者凡所誦念憶

持不忘猶如阿難五者釋梵護世諸天所敬

六者國王大臣之所敬重七者九十五種諸  
邪論師不能屈伏八者心遊禪定不樂世樂  
九者十方諸佛及諸菩薩之所護念及諸聲  
聞皆來諮受十者臨命終時淨除業障十方  
諸佛放金色光皆來迎接為說妙法隨意往  
生清淨佛國藥上菩薩說是呪已合掌恭敬  
頂禮佛足却住一面

尔時世尊讚藥上菩薩言善哉善哉善男子  
快說此呪十方三世諸佛亦說是呪我今深  
心隨汝歡喜時二菩薩說是呪已各脫寶瓔  
以供養佛藥王菩薩所散瓔珞如須彌山住  
佛右肩上藥上菩薩所散瓔珞如須彌山住

佛左肩上二山頂上有梵王宮百千万億諸  
梵天王恭敬合掌侍立宮內有寶蓮華如摩  
尼珠遍覆三千大千世界在宮牆上忽然來  
下合而爲一如千葉金華住宮牆內有十方  
佛坐金華上東方佛名須彌燈光明東南方佛  
名寶藏莊嚴南方佛名旃檀摩尼光西南方  
佛名金海自在王西方佛名大悲光明王西  
北方佛名優鉢羅蓮華勝北方佛名蓮華鬘  
莊嚴王東北方佛名金剛堅強自在王上方  
佛名殊勝月王下方佛名日月光王如是十  
方諸佛異口同音讚歎藥王藥上二菩薩言  
汝所說呪十方三世諸佛之所宣說我等往

昔行菩薩道時得聞此呪深心隨喜以是隨  
喜善根因緣力故即得超越五百九十六億  
劫生死之罪於今現在得成爲佛若有衆生  
得聞汝等二菩薩名及聞我等十方佛名即  
得除滅百千万劫生死之罪何況受持讀誦  
禮拜供養今時十方諸佛說是語已如入禪  
定默然而坐

今時釋迦牟尼佛告大衆言汝等今者見是  
藥王藥上二菩薩寶瓔供養合掌住立在我  
前不是時大衆弥勒爲首白佛合掌住立言  
世尊唯然已見佛告弥勒阿逸多是藥王菩  
薩久修梵行諸願已滿於未來世過算數劫

當得作佛号淨眼如來應供正遍知明行足  
善逝世間解無上士調御丈夫天人師佛世  
尊國名常安樂光劫名勝滿彼佛出時其地  
金剛色如白寶至金剛際空中自然雨白寶  
華團圓正等五十由旬遍滿其國彼土衆生  
無身心病天獻甘露不以為食純服無上大  
乘法味彼佛壽命五百萬億阿僧祇劫正法  
住世四百万阿僧祇劫像法住世百千万億  
阿僧祇劫生彼國者皆悉住於陀羅尼門念  
定不忘藥王菩薩得受記已即從座起踊身  
虛空作十八變從上來下華散佛上所散之  
華如金剛林列住空中尔時世尊復告弥勒

是藥上菩薩次藥王後當得作佛号曰淨藏  
如來應供正遍知明行足善逝世間解無上  
士調御丈夫天人師佛世尊淨藏如來出現  
世時此白寶地變為金色金華金光充遍世  
界其國衆生悉皆具足無生法忍淨藏如來  
壽命六十二小劫正法住世百二十小劫像  
法住世五百六十小劫尔時藥上菩薩聞受  
記已即入三昧化身為華如瞻蔔林七寶莊  
嚴以此華雲持供養佛時華雲中放金色光  
金色光中出瑠璃雲瑠璃雲中演說偈頌曰  
正遍知世尊 無染釋師子 十方無等侶  
慧光照法界 普愍於一切 出現於世間

我今頭面禮

大悲三念處

介時藥上菩薩說是偈已還復本座佛告大  
衆佛滅度後若有衆生繫念思惟觀藥王菩  
薩者當作五想一者繫念數息想二者安定  
心想三者不出息想四者念實相想五者安  
住三昧想佛告弥勒若善男子及善女人修  
此五想者於一念中即便得見藥王菩薩是  
藥王菩薩身長十二由旬隨應衆生或十八  
丈或現八尺身紫金色三十二相八十隨形  
好如佛無異頂上肉髻有十四摩尼珠其一  
一珠有十四楞一一楞間有十四華以嚴天  
冠其天冠內有十方佛及諸菩薩皆悉影現



如衆寶鈿眉間毫相白瑠璃色遶身七帀如  
白寶帳身諸毛孔流出光明如摩尼珠數滿  
八万四千其一珠婉轉右旋如七寶城優  
鉢羅華一一華上有一化佛方身丈六如釋  
迦牟尼一一如來有五百菩薩以爲侍者是  
藥王菩薩其兩脩臂如百寶色手十指端兩  
諸七寶若有衆生觀此菩薩十指端者四百  
四病自然除滅身諸煩惱皆悉不起其兩足  
下兩金剛寶一一寶珠化成雲臺其雲臺中  
有化菩薩無數諸天以爲侍者時化菩薩演  
說四諦苦空無常無我亦說甚深諸菩薩行  
此想成時是名初觀藥王菩薩功德相貌

第二觀者心漸廣大得見藥王菩薩具足身  
相時藥王菩薩心如旃檀摩尼珠開敷清淨  
有百億光明此諸光明遶身百帀如百億寶  
山其一山有五百億寶窟一一窟中有十  
億化佛身色相好皆悉莊嚴是諸化佛異口  
同音皆共稱說藥王菩薩本行因緣此相現  
時念念之中見十方佛爲諸行者隨宜說法  
時藥王菩薩二毛孔放百億摩尼珠光照諸行  
者行者見已得淨六根尋時即見十方世界五  
百萬億那由他佛及諸菩薩爲說除罪甘露  
妙藥服此藥已即時皆得五百万億旋陀羅  
尼門因此藥王菩薩本願力故緣念藥王菩

薩自莊嚴故十方諸佛與諸菩薩至行者前  
爲說甚深六波羅蜜是時行者因見諸佛故  
即得百千萬億觀佛三昧海門佛告弥勒我  
滅度後若天若神若龍若比丘比丘尼若優  
婆塞若優婆夷若欲見藥王菩薩欲念藥王  
菩薩者當修四種清淨之行一者發菩提心  
具菩薩戒威儀不缺以得具足菩薩戒故十  
方世界諸菩薩伴一時來集住其人前藥王菩  
薩爲其和尚藥王菩薩爲於行者即說百千  
萬億旋陀羅尼門以得聞此陀羅尼故超越  
九十億劫生死之罪應時即得無生法忍二  
者佛滅度後一切凡夫具煩惱縛若有欲見

藥王菩薩當修二法一者慈心不殺不犯十  
惡常念大乘心不忘失勤修精進如救頭然  
二者於師長父母四事供養蘇燈油燈須蔓那  
華油燈及竹木火以爲照明復以蘇燈油燈  
須蔓那華油燈及諸照明以供養佛及法僧  
寶并說法者三者深修禪定樂遠離行常樂

塚間樹下阿練若處獨處閑靜勤修甚深十  
二頭陀四者於身命財一切放捨不生戀者  
行此行者念念之中得見藥王菩薩爲其說  
法或於夢中夢見藥王菩薩授其法藥寤已  
尋自憶識過去無量百生千生宿命之事心  
大歡喜卽應入塔觀像禮拜卽於像前得觀

佛三昧海及見無量諸菩薩衆唯見藥王菩薩為其說法佛告阿難佛滅度後若有四衆能如是觀藥王菩薩者能持藥王菩薩名者除却八十万劫生死之罪若能稱是藥王菩薩名字一心禮拜不遇禍對終不橫死若有衆生於佛滅後能如是觀者是名正觀若異觀者名為邪觀佛告彌勒佛滅度後若有四衆云何觀是藥上菩薩清淨色身若欲觀者當修七法何等為七一者常樂持戒終不親近聲聞緣覺二者常修世間善法及出世善法三者其心如地不起憍慢普慈一切四者心無貪著猶若金剛不可沮壞五者住平等

法不捨威儀六者常修毗婆舍那修舍摩他  
心無懈怠七者於大解脫般若波羅蜜心不  
驚疑佛告弥勒若有善男子善女人具此七  
法者疾得見藥上菩薩是藥上菩薩身長十  
六由旬如紫金色身諸光明如閻浮檀那金  
色於圓光中有十六億化佛方身八尺結跏  
趺坐坐寶蓮華一一化佛有十六菩薩以為  
侍者各執白華隨光右旋通身光內有十方  
世界諸佛菩薩及諸淨土皆於中現頂上肉  
髻如釋迦毗楞伽摩尸寶珠肉髻四面顯發  
金光一一光中有四寶華具百寶色一一華  
上化佛菩薩或顯或隱數不可知是藥上菩

薩三十二相八十隨形好一一相中有五色  
光一一光中有百千光眉間毫相如閻浮檀  
那金色百千白寶珠以為瓔珞其一珠放白  
寶光莊校金毫如玻瓈幢盛真金像世間珍  
妙諸莊嚴具悉於中現若有四衆聞是藥上  
菩薩名者持是藥上菩薩名者稱是藥上菩  
薩名者觀藥上菩薩者是藥上菩薩放身光  
明攝受彼人此菩薩光或為自在天像或為  
梵天像或為魔天像或為帝釋像或為四天王  
像或為阿脩羅像或為軋閻婆像或為緊那  
羅像或為摩睺羅伽像或為迦樓羅像或為  
人非人像或為龍像或為帝王像或為大臣

像或爲長者像或爲居士像或爲沙門像或  
爲婆羅門像或爲仙人像或爲祖父母像或  
爲父母像或爲兄弟姊妹所愛妻子及諸親  
像或爲良醫像或爲善友像尔時行者即於  
夢中見上諸像隨現爲說藥王藥上所說神  
呪即得滅除如上所說劫數之罪覺已憶持  
終不忘失繫念三昧即於定中得見藥上菩  
薩淨妙色身即爲行者稱說過去五十三佛  
名告言法子過去有佛名曰普光次名普明  
次名普靜次名多摩羅跋旃檀香次名旃檀  
光次名摩尸幢次名歡喜藏摩尸寶積次名  
一切世間樂見上大精進次名摩尸幢燈光



次名慧炬照次名海德光明次名金剛牢強  
普散金光次名大強精進勇猛次名大悲光  
次名慈力王次名慈藏次名旃檀窟莊嚴勝  
次名賢善首次名善慧次名廣莊嚴王次名  
金華光次名寶蓋照空自在力王次名虛  
空寶華光次名瑠璃莊嚴王次名普現色身光  
次名不動智光次名降伏諸魔王次名才光  
明次名智慧勝次名弥勒仙光次名世靜光  
次名善寂月音妙尊智王次名龍種上尊王  
次名日月光次名日月珠光次名慧幡勝王  
次名師子吼自在力王次名妙音勝次名常  
光幢次名觀世燈次名慧威燈王次名法勝

王次名須彌光次名須曼那華光次名優曇鉢羅華殊勝王次名大慧力王次名阿闍毗歡喜光次名無量音聲王次名才光次名金海光次名山海慧自在通王次名大通光次名一切法常滿王佛

尔時藥上菩薩說是過去五十三佛名已嘿然而住尔時行者即於定中得見過去七佛世尊毗婆尸佛而讚歎言善哉善哉善男子汝所宣說五十三佛乃是過去久遠舊住娑婆世界成熟衆生而般涅槃若有善男子善女人及餘一切衆生得聞是五十三佛名者是入於百千萬億阿僧祇劫不墮惡道若復有

人能稱是五十三佛名者生生之處常得值  
遇十方諸佛若復有人能至心敬禮五十三  
佛者除滅四重五逆及謗方等皆悉清淨以  
是諸佛本誓願故於念念中即得除滅如上  
諸罪尸棄如來毗舍浮如來拘留孫如來拘那  
含牟尼如來迦葉如來亦讚是五十三佛名  
亦復讚歎善男子善女人能聞是五十三佛  
名者能稱名者能敬禮者除滅罪障如上所說  
亦時釋迦牟尼佛告大眾言我曾往昔無數  
劫時於妙光佛末法之中出家學道聞是五  
十三佛名聞已合掌心生歡喜復教他人令  
得聞持他人聞已展轉相教乃至三千人此

三千人異口同音稱諸佛名一心敬禮如是  
敬禮諸佛因緣功德力故即得超越無數億  
劫生死之罪其千人者華光佛爲首下至毗  
舍佛於莊嚴劫得成爲佛過去千佛是也此  
中千佛者拘留孫佛爲首下至樓至如來於  
賢劫中次第成佛後千佛者日光如來爲首  
下至須彌相於星宿劫中當得成佛佛告寶  
積十方現在諸佛善德如來等亦曾得聞是  
五十三佛名故於十方面各皆成佛若有衆  
生欲得除滅四重禁罪欲得懺悔五逆十惡  
欲得除滅無根謗法極重之罪當勤誦上藥  
王藥上二菩薩呪亦當敬禮上下十方佛復

當敬禮過去七佛復當敬禮五十三佛亦當  
敬禮賢劫千佛復當敬禮三十五佛然後遍  
禮十方無量一切諸佛晝夜六時心相明利  
猶如流水行懺悔法然後繫念念藥王藥上  
二菩薩清淨色身若有念是藥王藥上二菩  
薩者當知此人已於過去無量劫中於諸佛  
所種諸善根以本善根力莊嚴故於一念中  
得見東方無數諸佛是時東方一切諸佛即  
皆同入普現色身三昧南西北方四維上下  
亦復如是皆悉同入普現色身三昧即時十  
方一切諸佛皆悉現身住行者前爲說甚深  
六波羅蜜是時行者見諸佛已心生歡喜於

諸佛前即得甚深觀佛三昧海見無數佛一  
一卅尊異口同音授行者記而作是言汝今  
念是二菩薩故於未來卅當得作佛是時行  
者聞授記已身心歡喜即得三昧此三昧名  
惟無疰嚴因是三昧力故倍更增進普見十  
方無數諸佛時十方諸佛或為行者說檀波  
羅蜜或為行者說尸波羅蜜或為行者說羸  
提波羅蜜或為行者說毗梨耶波羅蜜或為  
行者說禪那波羅蜜或為行者說般若波羅  
蜜或為行者說方便波羅蜜或為行者說願  
波羅蜜或為行者說力波羅蜜或為行者說  
智波羅蜜或為行者說慈悲喜捨行或為行

者說四念處或為行者說四正勤或為行者說四如意足或為行者說五根或為行者說五力或為行者說七覺分或為行者說八正道分或為行者說苦聖諦或為行者說集聖諦或為行者說滅聖諦或為行者說道聖諦或為行者說六和敬法或為行者說六念法如是種種分別廣說無量法門復因此惟無三昧海莊嚴力故廣為行者分別解說甚深十二因緣法因是藥王藥上二菩薩威神力故復見東方無量諸佛及諸菩薩身紫金色相好無比南西北方四維上下亦悉覩見一如來身相衆好廣說如觀佛三昧海若有

行者稱是藥王藥上二菩薩名者若有念是  
二菩薩名者若有持是二菩薩名者若有觀  
是二菩薩者若誦是二菩薩所說陀羅尼神  
呪者捨身來世得淨六根恒得生於大菩薩  
家面貌端嚴猶如帝釋無可惡相身力強壯  
如那羅延威伏一切其所生處恒得值遇諸  
佛菩薩聞甚深法聞已歡喜即得無量妙三  
昧門及陀羅尼

佛告阿難若有衆生但聞是二菩薩名者得福  
無量不可窮盡何況具足如說修行尔時阿  
難聞佛世尊讚歎是二菩薩甚深智慧無量  
德行即從座起遶佛七匝長跪合掌白佛言



世尊此藥王藥上二菩薩過去世時修何道行  
種何功德今於此衆猶如梵幢佛所讚歎亦  
爲大衆之所稱譽如來今者雙目放光如摩  
尼珠現在其頂此妙瑞相昔所未覩唯願天  
尊爲我解說此二菩薩往昔因緣今時世尊  
告阿難言諦聽諦聽善思念之吾當爲汝分  
別解說此二菩薩往昔因緣佛告阿難乃往  
過去無量無邊阿僧祇劫復倍是數數不可  
說彼時有佛号琉璃光照如來應供正遍知  
明行足善逝世間解無上士調御丈夫天人  
師佛世尊劫名正安隱國名懸勝幡生彼佛  
國衆生壽命八大劫彼佛世尊出現世間經

十六大劫然後乃於蓮華講堂入般涅槃佛  
般涅槃後正法住世滿八大劫像法住世亦  
八大劫於像法中有千比丘發菩提心求受菩  
薩戒普爲衆生遊行教化爾時衆中有一比丘  
号名曰藏聰明多智遊歷聚落村營城邑僧坊  
堂閣阿練若處乃至論議常爲諸大衆廣讚  
大乘菩薩本緣亦說如來無上清淨平等大慧  
尔時衆中有一長者名星宿常光聞說大乘  
平等大慧心生歡喜即從座起持呵梨勒果  
及諸雜藥至日藏所白言大德我聞仁者說甘  
露妙藥如仁所說服此藥者不老不死作此語  
已頭面著地禮比丘足復持此藥奉上比丘

白言仁者今以此藥奉上仁者及大德僧  
時日歲即爲呪願受呵梨勒長者聞法復聞  
是願心大歡喜遍禮十方無量諸佛於日歲  
前發弘誓願而作是言我聞仁者說佛慧藥  
如仁所說真實不虛今持雪山良藥奉上仁  
者井及衆僧以此功德願我生生不求人天  
三界福報正心迴向阿耨多羅三藐三菩提  
我今至誠發無上道心於未來世必當成佛  
此願不虛必如尊者所說佛慧我得菩提清淨  
力時雖未成佛若有衆生聞我名者願得除  
滅衆生三種病苦一者衆生身中四百四病  
但稱我名即得除愈二者邪見愚癡及惡道

苦願永不受我作佛時生我國者諸衆生等  
悉皆悟解平等大乘更無異趣三者閻浮中及  
餘他方有三惡趣名聞我名者永更不受三  
惡趣身設墮惡趣我終不成阿耨多羅三藐  
三菩提若有禮拜繫念觀我身相者願此衆  
生消除三障如淨琉璃內外映徹見佛色身  
亦復如是若有衆生見佛清淨色身者願此  
衆生於平等慧永不退失發此願已五體投  
地遍禮十方無量諸佛禮諸佛已持真珠華  
散日藏上白言和尚因和尚故得聞無上清  
淨佛慧我聞是已於和尚前已發甚深阿耨  
多羅三藐三菩提心此願不虛必成佛者今

我所散妙真珠華化爲華盖住和尚上作此  
語已所散寶珠如寶蓮華行列空中變成華  
盖其盖有光金色具足一切大衆覩見此事  
異口同音讚歎大長者星宿光言善哉善哉  
大長者汝能於此大衆之中已能深發大弘  
誓願乃現如此微妙瑞相我等今者觀此瑞  
相必得成佛無有疑也尔時星宿光長者有  
弟名電光明見兄長者發菩提心身心隨喜  
白言大兄我今家中大有醍醐及諸良藥願  
兄聽我普施一切不限衆僧其兄報言聽隨  
汝意尔時電光長者白其兄言我今亦復隨  
從大兄欲發甚深阿耨多羅三藐三菩提心

其兄答言若欲發心汝今應禮十方諸佛於大  
和尚日藏比丘前宜發甚深無上道意弟白  
兄言我今以此醍醐良藥以施一切復以妙  
華上十方佛迴向以此功德願如大兄所發  
誓願等無有異若我所願誠實不虛今我所  
散上妙寶華住虛空中猶如華樹時會大眾  
見電光長者所散蓮華列住空中其一華  
如菩提樹列住空中華果具足今時大眾異  
口同音亦皆讚歎電光長者而作是言汝今  
瑞應如兄長者等無有異於未來世必得成  
佛無有疑也  
佛告阿難汝今當知時大長者以呵梨勒雪

山勝藥以施衆僧衆僧服已得聞妙法以藥力故除二種病一者四大增損二者煩惱瞋恚因此藥故時諸大衆皆發阿耨多羅三藐三菩提心而唱是言我等於未來世悉當成佛時諸大衆各相謂言我等今者因此大士施二種藥得發無上法王之心當王三千大千世界爲報恩故當爲立号因行立名故名藥王佛告阿難汝今當知此藥王菩薩聞諸大衆爲立号時敬禮大衆而作是言大德衆僧爲我立号名曰藥王我今應當依名定實若我所施迴向佛道必得成就願我兩手兩一切藥摩洗衆生除一切病若有衆生聞我名者禮拜我者觀我身相者當今此等皆服甚深妙陀羅尼無礙法藥當今此等現在身上余

禮拜我者觀我身相者當今此等皆服甚深  
妙陀羅尼無礙法藥當今此等現在身上除  
去諸惡無願不從我成佛時願諸衆生具大  
乘行作是語時時虛空中雨七寶蓋覆藥王  
上蓋光明中而說偈言

大士妙善願

施藥濟一切

未來當成佛

号名曰淨眼

廣度諸天人

慈心無邊際

慧眼照一切

未來當成佛

尔時藥王聞此偈已身心歡喜即入三昧其  
三昧名曰惟無莊嚴三昧力故見佛無數淨  
除業障即得超越九百万億阿僧祇劫生死  
之罪尔時衆中爲立号者今此藥王菩薩摩



訶薩是佛告阿難汝今當知時弟長者藥施  
人者因藥施故世人稱讚此長者藥用施衆  
僧及施一切服此藥者得上氣力得妙上藥亦  
聞上妙大乘法藥尔時世人因行立名名曰  
藥上尔時藥上菩薩聞諸世人稱讚已德名  
曰藥上因發誓願今此世間一切大衆爲我  
立号名曰藥上願我後世得成十種清淨力  
時以上法藥普施一切願諸衆生聞我名者  
煩惱盛火速得消滅若有衆生禮拜我者稱  
我名者觀我身相者當令此等得服上妙不  
死解脫甘露上藥尔時大衆聞是語已各脫  
瓔珞共散藥上菩薩上所散瓔珞如七寶臺

停住空中臺中有光純黃金色聲如梵音而  
說偈言

善哉勝大士

顯發弘誓願

必度苦衆生

心無有疑慮

未來當成佛

号名曰淨藏

救護諸世間

沒於苦海者

佛告阿難汝今好當諦聽佛語慎勿忘失此

藥王藥上二菩薩者乃是過去現在未來諸

佛世尊灌頂法子若有衆生聞此二菩薩名

者永度苦海不墮生死恒得值遇諸佛菩薩

何況具足如說修行若有善男子善女人聞

二菩薩所說神呪若觀此二菩薩身相者於

現在世必得見藥王藥上及見於我賢劫千

佛於未來世見無數佛一一世尊為其說法  
生淨佛土其心堅固終不退轉阿耨多羅三  
藐三菩提心念時阿難即從座起為佛作禮  
遶佛七匝白佛言世尊當云何名此經云何  
奉持之

佛告阿難諦聽諦聽善思念之此法之要名  
滅諸罪障亦名懺悔惡業神呪亦名治煩惱  
病甘露妙藥亦名觀藥王藥上清淨色身佛  
告阿難此法之要有如是等殊勝妙名我滅  
度後若有比丘及比丘尼聞此經者至心隨  
喜經須臾間四重惡業皆悉清淨若有優婆  
塞優婆夷聞此經者至心隨喜經須臾間若

犯五戒破八支齋疾得清淨若國王大臣刹  
利居士毗舍首陀婆羅門等及餘一切聞此  
經者經須臾間至心隨喜五逆十惡悉得清  
淨佛告阿難此藥王藥上本行因緣是閻浮  
提人病之良藥尔時世尊說是語已嘿然而  
住如入三昧尔時長者子寶積及尊者阿難  
無數大衆聞佛所說皆大歡喜以歡喜故長  
者衆中五千人得無生法忍他方來諸菩薩  
等有十千人住首楞嚴三昧舍利弗弟子五  
百比丘不受諸漏成阿羅漢天龍八部其數  
無量皆發無上正真道意尔時諸比丘及諸  
大衆聞佛所說歡喜奉行作禮而退

佛說觀藥王藥上二菩薩經

觀藥王藥上二菩薩經

得

熙怡

之上許之反下余

佉

立迦反

瘞

誓螺

式

睽

寒帝

托翅

上元音知隔反

揄

音餘奢

遮二反

同式

睽

翕

許反吸同

能羆

上音雄

昧

音求

侮

音武

懔

其

反懼

獠

良涉

矛斫

下音碑

若反

樂

逼

上彼力

追

音

也反

憤乱

古姝

鞞

正作硬

虺

反音元

逼

也

追

音

上音

還

蚊

上行

渠支反

喘

上反

湛

然

成反

宅

澄劈裂

上音覓

涸

音鶴

水

勸

下反

卹

正作詠

反

也

憤乱

反古

姝

鞞

正作硬

虺

反音元

逼

也

追

音

上音

還

蚊

上行

渠支反

喘

上反

湛

然

成反

宅

澄劈裂

上音覓

涸

音鶴

水

勸

下反

卹

正作詠

反

也非也誘

差 蚤

踏 螺

又下作

手元 髡

亦音 髡

反跡 下上

搥 音芳

一搥 佛冈

反

嘲

反竹

交

印

印

用上

上同

龍王錄



